

millia baptizata sunt. \* Extructa hinc certatim templo, praefecti  
vrbibus et oppidis doctores, qui plebem ab idolatria ad Chri-  
stum ducerent. Proceres quidem nonnulli acriter his GEYSAE in-  
stitutis repugnarunt, ille tamen partim pietate, partim auctoritate  
et armis seditiosos repressit, ita ut armis pedetentim neglectis in  
ciuili vita mitescerent, pacemque finitimi cum gentibus colerent.  
Quamuis impedire haud potuerit, quin cultus idolorum praefer-  
rim inter nobiliores passim exerceretur. Ad hos tam paeclaros  
conatus vtrum GEYSA, apparitione *S. Mariae*, vel *S. Stephani*.  
Protomartyris adductus fuerit, ut nonnulli volunt, nos meliora  
edocti, Iudeo Apellae credendum relinquimus. \*\*

### §. 2.

Ita quidem initia Christianae religionis comparata fuisse vul-  
gus historicorum testatur, sed vel *evangelio*, quibus narrationes  
ipsorum totae scatent, nec non et fabulae, quibus vniuersum illud  
conuerzionis negotium incrustarunt, suspectam illorum fidem red-  
dunt. Plus itaque Graeci hac in parte scriptores fidei nobis me-  
reri videntur: \*\*\* propterea quod rem, primum, sine partium stu-  
dio,

\* Videantur Auentini annal. Boiorum. l. IV. INCHOFERVS l. c. ad. an. 912.  
LAMPII historia eccl. reformat. in Vng. & Tranlyv.

\*\* RANZANVS indice 8. BONFIN. Dec. II. l. 1. p. 125. INCHOF. l. c. ad  
an. 979. qui tamen, in quibusdam circumstantiis discrepat a BONFINIO.  
Conf. etiam chartaceus ille CHARTVITIVS, in vita eius S. Stephani, quae  
deprehenditur in Bongarsii scriptoribus rerum Vngavicarum.

\*\*\* Primus qui genuina eius initia protulerat, conuerzionemque Hungarorum  
ecclesiae Orientali adscriperat, et a dubiis fabulosisque narrationibus repurga-  
uerat, erat Vir Sumine Venerandus GODOFREDVS SCHWARZ Rintelensis  
Academiae Professor primarius, in dissert. eius, quam sub nomine ficto an.  
1740. 4. Lips. ediderat, sub tit. *Initia religionis christianaee inter Vnga-  
ros ecclesiae orientali adserita* &c. auctore Gabriele de iuxta Hornad. Hung.  
Opposuerant se doctae huic sententiae, PETERFY, STILTING, PRAY et  
KAPRINAY, quibus etiam primo KOLLARIUS in histor. diplom. l. 1. c. 46.  
se